



4. oktober 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Peqqinnissaqarfiup sannaanik allannortiterineri aningaasartuutissatut nalilersuinerit Naalackersuisut ilisimasaqarfiginerpai, tamatumuunalu Naalackersuisut sammisaq qanoq oqaasissaqarfigivaat?**
- 2. Peqqinnissaqarfiup sannaanik allannortiterineri peqqinnissaqarfimmi sulisussarsiornermi sulisoqaannarniarnermilu suut unammilligassaanersut Naalackersuisut qanoq isummerfigisinnaavaat?**
- 3. Paaqqutarineqarnermi nakorsarneqarnermilu sulisoqaannarniarsarineq sullinneqarnerullu pitsaanerunissaa anguniarlugu Naalackersuisut suliniutinik pilersitsiniarsimappat?**
- 4. Peqqissutsimut Naalackersuisup, Peqqissutsimut Naalackersuisoqarfiup Peqqinnissaqarfiullu qullersaqarfiata akornanni peqqinnissaqarfiup sannaanik allannortiterineri ataqatigiissarineq pitsaasoq qularnaarniarnarlugu qanoq iliuuseqartoqarsimava?**
- 5. Sooq Naalackersuisut tassanngaannartumik isumaqalersimappat meeqqat kingutaanik nikingajunnaarsaanerit aningaasaqarnermut inatsisissatut isumaqatigiinniarnermi aningaasartuutissanik amerlinerusoq, uffa aningaasartuutit taakku naliginnarmik peqqinnissaqarfiup suliassaanut ilaareeraluartut?**
- 6. Naalackersuisut apeqqutinut tunngasunik akissutinilu tunngaviusuni suliamut soqutiginaatilinnik allanik paasissutissiisinaanerlutik?**
(Inatsisartunut ilaasortaq Anna Wangenheim, Demokraatit)

Tunngavilersuut

Matumuuna peqqinnissaqarfiup sannaanik allannortiterisoqarpoq, aqqissuussisimanerup takussutissartaa nutaaq 1/1-20-mi saqqummiunneqarnissaa ilimagineqarpoq. DIH-mi sulisunut paasititsiniaalluni ataatsimiinnermi peqqinnissaqarfiup qullersaqarfiata nalunaarutigaa sannaanik allannortiterinerup qanoq naleqarnissaa naatsorsorsimanagu, business-case-siliortoqarsimangimmat.

Demokraatit isumaqarput isummanik pitsaasunik uniuilluni pissusilersornerusoq peqqinnissaqarfiup iluani sannaanik allannortiterisoqarnermi suinissamilu amerlanernik atorfilittanik sulisoqartariaqalernermik kinguneqartitsisussamik aningaasarpasuit atorneqarsimammata. Pissuserissaarnissamik isumagisat uniorlugit iliuuseqarsimaneq tunngaveqarpoq peqqinnissaqarfiup unammilligassaanut amerliartortunut aningaasatigut, pikkorissutsikkut, sulisutigullu isumalluutissaqartoqangimmat.



Aningaasammi sullissinermi tunniunneqarsinnaasunut sinaakkutissiisuupput. Naatsorsueqqaarnani aningaasat sannaanik allannguinermit ator neqarsimappata napparsimasunut sullissinermi ator neqaaqqissinnaassanngillat. Qaavatigullu immikkoortorta qarfiit nalunaarfigineqarsimapput aningaasartuutissatut atugassatik sissueqqullugit, aammattaarlu nutaanik sulisortaarniarneq navianartorsiorsinnaammat aningaasartorpallaarsimaneq peqqutaalluni. DIH-mi ikilinnut nakorsiar tafik, kingutileriffeqarneq, Aasianni ernisarfik, Ittoqqortoormiuni nakorsassaaleqineq tassaapput sulisussarsinissamut ajornartorsiornerit sipaarniarfigineqarnerullu kingunerisinnaasai.

Taassumallu saniatigut aningaasatigut tamaviaarnartumik inissisimaneq sulinerup avatagiisiinut malunniuttussaalluni. Tamaviaarluni sulineq naammaginartumik sullissisinnaanermut nakorsaasinnaanermullu ajornakusoortitsisinnaavoq. Matumuunalu pingaaruteqarpoq uparuarnisaa tamaviaarluni sulinerup akisussaffimillu annertunermik tigusinerup, sulisut ilinniaqqissinnaanissaanut ajortumik kinguneqartitsisinnaammat. Tamanna aningaasatigut tamaviaarnartumik inissisimanerup, sulisunillu amingaateqarnerup, napparsimasullu isumannaatumik passunneqarsinnaanissaat iluamillu peqqissarneqarsinnaanerannut ajortumut sangutitsisinnaalluni.

Peqqinnissaqarfik sulisunik taarseraaffiusorjuuvoq tamannalu napparsimasunik peqqissaanermi nakorsarnermilu atajuartuuneranut allannguititsisinnaalluni, taamaalillunilu aamma napparsimasut pitsaassusermik misiginissat tatiginninneranullu allannguisinnaalluni. Tassumallu saniatigut sulisutoqqanut ulluinnarni peqqissaanermi nakorsarnermilu suliaqanngitsunut sulinerup avatagiisiinut aamma malunniutaasinnaanera eqqaassavarput, tassami sulisunik ilisarititsineq illinniartitsinerlu piffissatornarmat sulisooreersunullu misigissutsitigut artornaqisumik suliaasaqareertunut qaavatigut artukkiisinnaalluni.

Tamanna tunngavingalugu paaserusupparput qanoq annertutigisumik Peqqissutsimut Naalakkersuisup, Peqqissutsimut Naalakkersuisoqarfiup, Peqqinnissaqarfiullu qullersaqqarfiata akornanni peqqinnissaqarfiup sannaanik allanngortiterinermi ataqatigiissaarineq pitsaasoq qularnaarniarlugu iliuuseqartoqarsimaneersoq. Demokratini isumaqarpugut akimut ersittumik erseqqissumillu ataqatigiissaarisoqartariaqartoq inuttaasut isumalluarnissat ullumikkut ikilerneqareersimasoq – qulaani eqqartorneqareertut, aammalu ilinniarluarsimasunik sulisoqaannarniarnerup ajornakusoornera peqqutingalugit.

Inaarutaasumik meeqqat kingutaanik nikingajunnaarsaanernut aningaasartuutissat il. il. Naalakkersuisut oqaatigisaattut massakut aningaasanut inatsissatut isumaqatigiinniarnermi ilaalertussaaner at pillugu akissutinissarput pissangagivarput.

Kissaatigaara apeqqutima ullut sulliviit naliginnaasut qulit iluanni akineqarnissat.